

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

« ---- » ----- 2021թ.

N-- -Ա

ՈՐՈՇՈՒՄ

«ԵՐԵՎԱՆԻ ՍՊՈՐՏ ԿՈՄԻՏԵ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ

Ղեկավարվելով «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 14-րդ կետով, «Պետական ոչ առևտրային կազմակերպությունների մասին» օրենքի հոդվածի 2-րդ մասի «գ» կետի 25-րդ հոդվածով՝

Երևան քաղաքի ավագանին որոշում է.

1. Հայաստանի Հանրապետության օրենսդրությամբ սահմանված կարգով լուծարել «Երևանի սպորտկոմիտե» համայնքային ոչ առևտրային կազմակերպությունը (այսուհետ՝ Կազմակերպություն) (հասցե՝ Երևան, Բուզանդի 1/3, գրանցման համար՝ 222.210.01251 /2010-08-05/):

2. Երևանի քաղաքապետ Հայկ Մարությանին՝ սույն որոշումն ուժի մեջ մտնելուց հետո 10-օրյա ժամկետում ստեղծել լուծարային հանձնաժողով:

ԵՐԵՎԱՆԻ ՔԱՂԱՔԱՊԵՏ՝

ՀԱՅԿ ՄԱՐՈՒԹՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆԻ ՍՊՈՐՏ ԿՈՄԻՏԵ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Սույն որոշման ընդունումը պայմանավորված և Երևան քաղաքում սպորտի ոլորտի կառավարման համակարգի օպտիմալացման, ինչպես նաև համայնքային ռեսուրսների առավել նպատակային օգտագործման անհրաժեշտությամբ:

«Երևանի սպորտ կոմիտե» համայնքային ոչ առևտրային կազմակերպությունը (այսուհետ՝ Կազմակերպություն) ստեղծվել է Երևան քաղաքի ավագանու 18.06.2021թ. N122-Ա որոշման համաձայն, գտնվելու վայրը՝ Հայաստանի Հանրապետություն, Երևան, Բուզանդի 1/3:

Կազմակերպության կանոնադրության համաձայն՝ Կազմակերպության գործունեության հիմնական առարկան ու նպատակները հետևյալն են.

1. Երևանում ֆիզիկական կուլտուրայի և սպորտի զանգվածայնացումն ու զարգացումը.
2. Երևանի բնակչության շրջանում առողջ ապրելակերպի արմատավորումն ու տարածումը.
3. Երևանի ենթակայությամբ մանկապատանեկան մարզադպրոցների մեթոդական աշխատանքների կազմակերպմանն աջակցումը.
4. Երևանի ենթակայությամբ մարզադպրոցների ուսումնամարզական գործընթացների ուսումնասիրությունների կատարումը և աջակցումը.
5. Երևանում մարզական միջոցառումների կազմակերպումն ու անցկացումը.
6. Տարբեր մարզաձևերից մարզական կատարելության և բարձրագույն վարպետության խմբերի ձևավորումը.
7. Տարբեր մարզաձևերից Երևան քաղաքի հավաքական թիմերի ձևավորումն ու հանրապետական և միջազգային մրցումներում նրանց մասնակցության ապահովումը.
8. Հանրապետական ու միջազգային մրցումների գործուղելուց առաջ Երևանի հավաքական թիմերի համար ուսումնամարզական հավաքների կազմակերպումը:

Կազմակերպության կանոնադրական նպատակների ուսումնասիրությունից պարզ է դառնում, որ դրանք գրեթե ամբողջապես կոչված են ապահովելու սպորտի ոլորտում Երևանի քաղաքապետի ՀՀ օրենսդրությամբ վերապահված լիազորությունների իրականացումը, ինչը, սակայն, Երևանի քաղաքապետարանի աշխատակազմի սպորտի և երիտասարդության հարցերի բաժնի (այսուհետ՝ Բաժին) գործունեության նպատակն է՝ համաձայն Բաժնի կանոնադրության:

Բացի այդ, Կազմակերպության փաստացի գործունեության ուսումնասիրությունը ցույց է տվել, որ կազմակերպությունը հիմնականում իրականացնում է Երևանում հավաքական թիմերի գործուղումների և ուսումնամարզական հավաքների կազմակերպման գործառույթ: Գործուղումների գործընթացն իրականացվում է հետևյալ ընթացակարգով՝

Հայաստանի Հանրապետությունում և արտերկրում գործող մարզական կազմակերպություններից ստացված կանոնակարգերն ու հրավերները, որոնցով Երևան համայնքի ենթակայությամբ գործող մարզական կազմակերպությունների թիմերն ու Երևան քաղաքի հավաքական թիմերը հրավիրվում են մասնակցելու հանրապետական ու միջազգային մրցաշարերի և առաջնությունների, ներկայացվում են Բաժնին: Վերջինս դրանք քննարկում ու նպատակահարմար գտնելու դեպքում հանձնարարական է ուղարկում

Կազմակերպությանը՝ ֆինանսավորումն իրականացնելու համար: Կազմակերպության տնօրենը ստորագրում է համապատասխան հրաման: Գործուղումից հետո մարզիչը, ում վրա դրվում է ֆինանսական պատասխանատվությունը, Կազմակերպությանն է ներկայացնում ֆինանսական և մարզական տեղեկատվություն պարունակող հիմքերը, որոնք կցվում են Կազմակերպության տնօրենի հրամանին, կազմվում է փաթեթ և պահպանվում «Երևանի սպորտ կոմիտե» ՀՈԱԿ-ում:

Կազմակերպությունը կանոնադրական նպատակներից բխող և փաստաթղթավորված այլ գործառույթներ, ըստ էության, չի իրականացնում կամ իրականացնում է խիստ անբավարար ծավալով:

2021թ-ի հունիս-օգոստոս ժամանակահատվածում Միացյալ ազգերի կազմակերպության (ՄԱԿ) հետ համագործակցությամբ «UN RCS-COVID MPFT»

ծրագրի շրջանակում իրականացված՝ սպորտի ոլորտում Երևանի քաղաքապետարանի կառավարման համակարգի և մարզադպրոցների գործունեության փորձագիտական ուսումնասիրության շրջանակում ևս հաստատվել է Կազմակերպության գործունեության աննպատակահարմարությունը: Համայնքային ենթակայության մարզադպրոցների տնօրենների շրջանում կատարված հարցման համաձայն՝ ուսումնամարզական գործընթացը կազմակերպելիս նրանց միայն 7,9 % -ն է համագործակցում Կազմակերպության հետ:

Կազմակերպության 2021 տարեկան եկամուտների և ծախսերի նախահաշվով նախատեսվել է սուբսիդիա 56 831.6 հազ. դրամ, որից աշխատավարձի գծով՝ 26 746.8 հազ. դրամ, միջոցառումների(գործուղումներ) գծով՝ 26 599.3 հազ. դրամ: Կազմակերպության հաստիքացուցակը կազմված է 16 անվանական հաստիքներից՝ վարչական 9 միավոր հաստիք, միջոցառումների կազմակերպում և Երևան քաղաքի հավաքական թիմերի ձևավորման բաժին՝ 7 միավոր հաստիք:

Նկատի ունենալով Կազմակերպության գործունեության անադյունավետությունը և այն, որ Կազմակերպության փաստացի իրականացրած գործառույթները, համաձայն իր կանոնադրության, պետք է և կարող է իրականացնել անմիջականորեն Բաժինը, Կազմակերպության հետագա գործունեությունը համարվում է աննպատակահարմար: Ուստի՝ համայնքային ռեսուրսների նպատակային օգտագործման և սպորտի բնագավառում կառավարման արդյունավետության բարձրացման նպատակով սուփյն նախագծով առաջարկվում է լուծարել կազմակերպությունը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐԴԻԹՅԱՆ

ՏԵՂԵԿԱՆՔ

**«ԵՐԵՎԱՆԻ ՍՊՈՐՏ ԿՈՄԻՏԵ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

«Երևանի սպորտ կոմիտե» համայնքային ոչ առևտրային կազմակերպության լուծարման մասին» Երևան քաղաքի ավագանու որոշման նախագծի ընդունման կապակցությամբ այլ իրավական ակտերի ընդունման անհրաժեշտություն չի առաջանում:

Տ Ե Ղ Ե Կ Ա Ն Ք

**«ԵՐԵՎԱՆԻ ՍՊՈՐՏ ԿՈՄԻՏԵ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅԱՆ ԼՈՒԾԱՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՄԱՍԻՆ**

«Երևանի սպորտ կոմիտե» համայնքային ոչ առևտրային կազմակերպության լուծարման մասին» Երևան քաղաքի ավագանու որոշման նախագծի ընդունման կապակցությամբ Երևան քաղաքի բյուջեի ծախսերում և եկամուտներում փոփոխություններ չեն առաջանում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

